

Na osnovu člana 12. Zakona o udruženjima i fondacijama Bosne i Hercegovine (Službeni glasnik BiH br.32/01, 42/03, 63/08 i 76/11), Skupština Udruženja građana oboljelih od plućne hipertenzije “DAH” – u Bosni i Hercegovini, na svojoj osnivačkoj Skupštini održanoj 19.07.2014. godine donosi:

S T A T U T

Udruženja građana oboljelih od plućne hipertenzije “DAH” – u Bosni i Hercegovini

I OPŠTE ODREDBE

Član 1.

Udruženja građana oboljelih od plućne hipertenzije “DAH” – u Bosni i Hercegovini, (u daljnjem tekstu: Udruženje) osnovano je Odlukom o osnivanju Broj: SK-02/14 od 19.07.2014. godine, kao dobrovoljno, samostalno, nestranačko, nevladino i neprofitno udruženje, u skladu sa Zakonom o udruženjima i fondacijama Bosne i Hercegovine (u daljnjem tekstu: Zakon).

Član 2.

Ovim Statutom, u skladu sa članom 12. Zakona, utvrđuje se:

- naziv, skraćeni naziv i adresa udruženja;
- ciljevi i djelatnosti udruženja;
- postupak za prijem i isključivanje članova;
- tijela udruženja, način na koji se biraju, ovlaštenja koja imaju, kvorum i pravila glasanja, trajanje mandata, ovlaštenja za sazivanje skupštine udruženja, uvjete i način raspuštanja, odnosno prestanak rada udruženja;
- pravila za ostvarivanje, upotrebu i raspolaganje sredstvima udruženja, kao i tijelo koje je ovlašteno za nadzor nad upotrebom tih sredstava;
- javnost rada;
- način podnošenja finansijskog izvještaja i izvještaja o radu;
- postupak za izmjenu i dopunu statuta, ovlaštenje i način donošenja drugih općih akata;
- opis oblika i sadržaj pečata i znaka Udruženja;
- zastupanje udruženja u pravnom prometu;

- uslovi i postupak za spajanje i podjelu udruženja, odnosno prestanak rada udruženja, uključujući i poseban kvorum ili pravila za postizanje kvalificirane većine u postupku glasanja;
- postupak za raspologanje preostalim imovinom ili drugim sredstvima u slučaju raspuštanja ili prestanka rada udruženja;
- druga pitanja od značaja za organizovanje rada Udruženja.

Član 3.

Udruženje okuplja članove iz Bosne i Hercegovine sa namjerom ostvarivanja ciljeva i djelatnosti utvrđenih ovim Statutom.

Udruženje ostvaruje saradnju sa drugim organizacijama, u skladu sa ovim Statutom.

Udruženje može biti član i drugih istih i srodnih organizacija koje su registrovane i djeluju na teritoriji Bosne i Hercegovine.

Udruženje djeluje na cijelom području Bosne i Hercegovine.

Član 4.

Udruženje stiče status pravnog lica danom upisa u Registar udruženja koji se vodi kod Ministarstva pravde Bosne i Hercegovine.

II OSNOVNI PRINCIPI

Član 5.

Osnovni principi rada Udruženja su:

- zakonitost,
- dobrovoljnost,
- otvorenost,
- transparentnost.

III NAZIV, SKRAĆENI NAZIV I SJEDIŠTE UDRUŽENJA

Član 6.

Puni naziv Udruženja glasi:

Udruženja građana oboljelih od plućne hipertenzije “DAH” – u Bosni i Hercegovini
Удружење грађана обољелих од плућне хипертензије „ДАХ“ – у Босни и
Херцеговини,
Друга грађана оболјелих од плућне хипертензије “DAH” – u Bosni i Hercegovini

Član 7.

Sjedište Udruženja je u Zavidovićima, ulica Zlatnih ljiljana bb.

IV OPIS OBLIKA I SADRŽAJA PEČATA UDRUŽENJA

Član 8.

Udruženje ima pečat okruglog oblika, prečnika 30 mm, u kojem je kružno ispisan tekst naziva Udruženja: Udruženje građana oboljelih od plućne hipertenzije “DAH” – u Bosni i Hercegovini i sjedište Udruženja: Zavidovići. Tekst pečata je na bosanskom jeziku, latiničnim pismom.

Udruženje može imati više pečata, s tim što svaki mora biti numerisan brojevima. Za čuvanje i upotrebu pečata zadužen je predsjednik Udruženja.

Udruženje može, pored svog pečata, imati i svoj logo, amblem i znak koji se može koristiti u određenim prilikama. O kriterijumima za njihov izgled i izradu odlučuje Skupština Udruženja.

V CILJEVI I DJELATNOSTI UDRUŽENJA

Član 9.

Ciljevi i djelatnost Udruženja su:

- Okupljanje i udruživanje oboljelih od ove rijetke, teške i neizlječive bolesti radi organizovanog djelovanja u svrhu ostvarivanja prava i usklađivanja zajedničkih interesa, prava i obaveza članova Udruženja.

- Pomoć i podrška aktivnosti na ostvarivanju prava zdravstvene zaštite i stvaranju uslova za uspješnije zadovoljavanje opštih, zajedničkih, posebnih i specifičnih potreba i usklađivanje zajedničkih i ličnih interesa oboljelih od PH.
- Pomoć i podrška organizovanja raznih aktivnosti među oboljelima od PH prilagođenim i primjerenim njihovim sposobnostima i mogućnostima radi razvijanja svijesti o oboljenju, mogućnostima i načinu življenja sa PH.
- organizovanje javnih nastupa, suučestvovanja u organizaciji sportskih i kulturno-umjetničkih manifestacija, održavanja javnih tribina, okruglih stolova, savjetoavanja sa gostima kako iz Bosne i Hercegovine, tako i iz inostranstva, koji su na bilo koji način vezani za ovo oboljenje (oboljeli, članovi njihovih porodica, prijatelji, medicinsko osoblje).
- Pomaže, koordinira i učestvuje u evidentiranju oboljelih od plućne hipertenzije;
- Davanje pomoći i podrške u organizovanju edukacije pacijentima oboljelim od plućne hipertenzije.
- rad na zaštiti oboljelih od plućne hipertenzije
- praćenje stanja u oblasti zdravstvenog, pravnog i socijalnog statusa oboljelih od plućne hipertenzije, te pružanje odgovarajućih i pravovremenih vidova pomoći;
- briga o utvrđivanju jedinstvenog stava i nastupa pred organima vlasti u cilju općeg upoznavanja sa simptomima bolesti, njenom razvoju, preventivnom djelovanju, dijagnozi, liječenju, rehabilitaciji oboljelih od plućne hipertenziju kako u fizičkom, tako i u psihičkom smislu
- zalaganje na podizanju svijesti o ovom oboljenju kao o rijetkoj i potencijano smrtonosnoj bolesti pluća u kojoj dolazi do dilatacije plućnih arterija koja dovodi do povišenog pritiska u plućima
- rad na pokretanju inicijative za osnivanje i unaprijeđenje rada državnih organa i ustanova koje su od značaja za ostvarivanje prava oboljelih od plućne hipertenzije što podrazumijeva i formiranje specijaliziranih medicinskih centara (PH centri) kako bi pacijenti mogli biti pravovremeno dijagnostikovani, medicinski obrađeni od strane stručnih, specijaliziranih liječnika koji imaju određena iskustva u liječenju plućne hipertenzije
- uspostavljanje saradnje sa drugim udruženjima, fondacijama i asocijacijama, te humanitarnim organizacijama u cilju ostvarivanja ciljeva i djelatnosti Udruženja, u skladu sa Zakonom;
- zalaganje za usvajanje esencijalne liste lijekova koja će sadržavati i lijekove za plućnu hipertenziju kako bi lijek bio dostupan svim oboljelim;
- isticati potrebu usavršavanja liječnika, pulmologa i kardiologa, u oblasti dijagnostike, tretmana liječenja i rehabilitacije oboljelih od plućne hipertenzije;
- rad na stvaranju uslova o pružanju svih vrsta pomoći članstvu i oboljelima od plućne hipertenzije;
- rad na stvaranju uslova za nabavku lijekova oboljelima;
- pružanje pomoći članovima Udruženja i oboljelim u izvršavanju profesionalnih aktivnosti, te unapređivati i sprovoditi programe profesionalne rehabilitacije;
- zalaganje i unaprijeđivanje preventivne mjere iz oblasti zdravstvene zaštite u cilju sprječavanja nastanka bolesti;

- raditi na stalnom poboljšanju statusa oboljelih od plućne hipertenzije u društvu, kako u oblasti liječenja, tako i u oblasti rehabilitacije, rekreacije, odmora, kulture, zabave, sporta;
- zalagati se za stvaranje objektivnih ekonomskih i organizacionih pretpostavki za uspostavljanje, ostvarivanje i usavršavanje takvih sistema zdravstvene zaštite i prevencije kojima će se udovoljiti svim zahtjevima i potrebama oboljelih od plućne hipertenzije;
- izdavanje knjiga, letaka, brošura i publikacija u svrhu ostvarivanja ciljeva i djelatnosti Udruženja, u skladu sa Zakonom.

Udruženje može, za djelatnosti koje nisu neposredno povezane sa djelatnostima Udruženja iz člana 9. ovog Statuta osnovati posebno pravno lice, u skladu sa članom 4. Zakona.

VI ČLANSTVO U UDRUŽENJU

Član 10.

Osnivači Udruženja su ujedno članovi Skupštine koji svojstvo člana u Udruženja stiču danom upisa u Registar udruženja.

Članovi udruženja mogu biti fizička lica, državljani Bosne i Hercegovine kao i strani državljani koji imaju odobreno boravište u Bosni i Hercegovini, a koja prihvate Statut i ciljeve i djelatnosti Udruženja.

Članovi mogu biti i pravna lica koja su registrovana u Bosni i Hercegovini.

Član Udruženja može biti svaka osoba koja redovno plaća članarinu, djeluje u pravcu zadanih ciljeva i djelatnosti Udruženja.

Član 11.

O prijemu u članstvo Udruženja odlučuje Skupština.

Članovi Udruženja mogu biti:

- Stalni članovi
- Pridruženi članovi i
- Počasni članovi

Član 12.

Stalni članovi su fizička lica koja su stekla svojstvo člana Udruženja prilikom registracije Udruženja.

Pridruženi član može biti svako fizičko i pravno lice koje prihvata Statut, ciljeve i djelatnosti Udruženja.

Počasni član može postati fizičko i pravno lice, koja pomaže rad Udruženja ili pokaže značajne rezultate u promociji ciljeva i djelatnosti Udruženja.

Za stupanje u članstvo podnosi se pristupnica na propisanom obrascu Udruženja. Primitveni član se upisuje u evidenciju članstva.

Udruženje vodi spisak svojih članova.

Član 13.

Članstvo u Udruženju prestaje:

- Na vlastiti zahtjev, potpisivanjem izjave o istupanju iz Udruženja.
- Isključenjem člana, u slučaju djelovanja u suprotnosti sa ciljevima i djelatnostima, Statutom Udruženja i aktima Udruženja.
- Smrću člana Udruženja
- Prestankom svojstva pravnog lica Udruženja.

Član 14.

Svaki član Udruženja može slobodno i dobrovoljno istupiti iz članstva.

Sa odlukom člana Udruženja o istupanju iz članstva, upozna se predsjednik Udruženja, nakon čega se vrši evidentiranje istupanja.

Član 15.

Isključenje iz članstva iz člana 13. stav 2. ovog Statuta se vrši u slučaju kada član Udruženja teže povrijedi odredbe ovog Statuta ili drugih pravila Udruženja, ili ako djeluje protivno ciljevima i djelatnostima, te općenito interesima Udruženja.

Odluku o prestanku svojstva člana udruženja donosi predsjednik Udruženja.

Član Udruženja koji je nezadovoljan odlukom Skupštine Udruženja iz prethodnog stava, može podnijeti žalbu Skupštini Udruženja, u roku od 15 dana od dana prijema odluke.

Skupština razmatra žalbu, na prvoj narednoj sjednici Skupštine Udruženja i donosi konačnu odluku.

VII PRAVA, DUŽNOSTI I ODGOVORNOSTI ČLANOVA UDRUŽENJA

Član 16.

Prava članova Udruženja su:

- da biraju organe Udruženja i da u njih budu birani,
- da daju prijedloge, mišljenja i sugestije,
- da prate rad Udruženja i pokreću inicijative za rješavanje pitanja od interesa za Udruženje,
- da budu redovno informisani o radu i rezultatima rada Udruženja,
- da u zaštiti svojih prava ostvaruju pomoć Udruženja.

Član 17.

Dužnosti članova Udruženja su:

- da učestvuju u aktivnostima Udruženja;
- da savjesno i odgovorno izvršavaju povjerene poslove i zadatke u vezi sa radom i aktivnostima Udruženja;
- da propagiraju djelatnost Udruženja;
- da redovno izvršavaju preuzete obaveze prema Udruženju i provode odluke, stavove i zaključke organa Udruženja;
- da uredno i na vrijeme izmiruju članarinu ;
- da se pridržavaju odredaba ovog Statuta i drugih akata Udruženja.

Oblici odgovornosti članova će se definisati Pravilnikom o disciplinskoj odgovornosti kojeg donosi Skupština Udruženja.

VIII ORGANI UDRUŽENJA, NAČIN NA KOJI SE BIRAJU, OVLAŠTENJA KOJA IMAJU, KVORUM PRAVILA GLASANJA i TRAJANJE MANDATA

Član 18.

Organi Udruženja su:

1. SKUPŠTINA
2. PREDSJEDNIK UDRUŽENJA

Član 19.

1. Skupština

Skupština je najviši organ Udruženja i čine je svi članovi Udruženja.
Radom Skupštine rukovodi predsjednik Skupštine, kojeg bira i razrješava Skupština.
Mandat predsjednika Skupštine je četiri godine sa mogućnošću reizbora.
Skupština Udruženja može biti:

- redovna i
- vanredna

Redovna skupština se sastaje po potrebi, a najmanje jednom u toku kalendarske godine i ima za cilj kontrolu rada putem razmatranja godišnjeg izvještaja o radu Udruženja.

Vanredna skupština saziva se izuzetno, u slučaju nepredviđenih teškoća u radu, poremećaja međuljudskih odnosa ili drugih okolnosti kada je ugrožen rad i vitalni interesi Udruženja.

Način rada Skupštine pobliže se utvrđuje Poslovníkom o radu Skupštine.

Skupštinu saziva predsjednik Skupštine, najkasnije 15 dana prije njenog zasjedanja i istom predsjedava.

Predsjednik Skupštine je dužan sazvati Skupštinu u slučaju kada to zahtijeva najmanje 1/3 članova Skupštine.

Glasanje na zasjedanju Skupštine je javno, izuzev ukoliko Skupština na samoj sjednici ne utvrdi potrebu za tajnim glasanjem.

Kvorum za rad i održavanje Skupštine je nadpolovična većina svih članova Skupštine.

Skupština donosi odluke nadpolovičnom većinom svih prisutnih članova Skupštine.

Na sjednici Skupštine vodi se zapisnik, u koji se unose osnovni podaci o radu Skupštine, a naročito donesene odluke, zaključci i podaci o glasanju.

Član 20.

Predsjednik Skupštine obavlja sljedeće aktivnosti:

- stara se o organizovanju Skupštine i saziva njene sjednice;
- zastupa Udruženje u pravnom prometu;
- predlaže dnevni red sjednice;
- predsjedava sjednicama Skupštine;
- potpisuje akte Skupštine;

- stara se o izvršavanju odluka, zaključaka i drugih akata Skupštine;
- koordinira rad organa Skupštine;
- stara se o provođenju programa rada, odluka, zaključaka i smjernica Skupštine;
- vrši i druge poslove koje mu odredi Skupština u skladu sa Zakonom i ovim Statutom.

Član 21.

Skupština Udruženja:

- donosi Statut, izmjene i dopune Statuta i druga opšta akta Udruženja određena Statutom;
- odlučuje o spajanju, podjeli i prestanku rada, kao i o drugim statusnim promjenama Udruženja;
- usvaja godišnji program i plan rada Udruženja;
- donosi finansijski plan i usvaja izvještaj o izvršenju finansijskog plana Udruženja;
- razmatra i usvaja izvještaje koje je pripremio predsjednik Udruženja;
- odlučuje o visini i načinu plaćanja članarine;
- imenuje i razrješava predsjednika Skupštine Udruženja;
- imenuje osobe ovlaštene za zastupanje Udruženja;
- imenuje i razrješava predsjednika Udruženja;
- rješava po žalbama članova Udruženja, u drugom stepenu;
- donosi odluku o znaku Udruženja;
- obrazuje komisije, odbore i stručne timove radi realizacije postavljenih ciljeva i djelatnosti Udruženja;
- odlučuje o svim drugim pitanjima koja nisu u nadležnosti drugih organa Udruženja.

Član 22.

Skupština može, radi efikasnijeg i racionalnijeg izvršavanja svojih poslova i zadataka, posebnom odlukom obrazovati komisije, radna tijela, odbore, stručne timove, sekcije i sl.

Odlukom iz prethodnog stava utvrđuje se sastav, djelokrug, broj članova i način ostvarenja odgovornosti ovih radnih tijela.

Član 23.

Skupština donosi Poslovnik o svom radu.

Poslovnikom će se detaljno urediti prava, obaveze i odgovornosti, način rada, glasanja i donošenja odluka Skupštine.

3. Predsjednik Udruženja

Član 24.

Udruženje ima predsjednika Udruženja, kojeg imenuje i razrješava Skupština, na mandatni period od četiri godine, sa mogućnošću reizbora.

Predsjednik Udruženja za svoj rad je odgovoran Skupštini Udruženja.

Predsjednik Udruženja je izvršni organ Udruženja

Član 25.

Predsjednik Udruženja ima sljedeća prava, dužnosti i odgovornosti:

- zastupa Udruženje u pravnom prometu;
- rukovodi radom Udruženja i organizuje rad;
- odgovoran je za zakonitost rada Udruženja;
- odlučuju o upotrebi sredstava za realizaciju ciljeva i djelatnosti Udruženja;
- naredbodavac je u izvršenju finansijskog plana udruženja;
- priprema i predlaže nacrt budžeta za rad Udruženja Skupštini;
- stara se o pravilnom korištenju imovine Udruženja o urednom obavljanju materijalo-finansijskog poslovanja, zakonitom i blagovremenom vršenju stručnih i administrativnih poslova;
- koordinira rad organa Udruženja i donosi odluke o pitanjima rada Udruženja;
- donosi odluke o isključenju iz članstva Udruženja, u prvom stepenu;
- priprema nacrt Statuta, njegove izmjene i dopune i druge akte, koje donosi Skupština;
- provodi utvrđenu politiku, zaključke i druge odluke koje je donijela Skupština;
- upravlja imovinom Udruženja;
- utvrđuje i predlaže finansijski plan za ostvarivanje, korištenje i raspolaganje sredstvima Udruženja, koji donosi Skupština;
- daje prijedloge, mišljenja i inicijative za ostvarivanje ciljeva i djelatnosti Udruženja;

- podnosi godišnji i periodični izvještaj o svom radu Skupštini na razmatranje i usvajanje;
- utvrđuje godišnji i polugodišnji obračun o izvršenju plana prihoda i rashoda Udruženja;
- poduzima mjere i aktivnosti na ostvarivanju programa rada Udruženja;
- priprema analize, informacije i druge materijale za Skupštinu;
- pravi provedbu finansijskog plana rada Udruženja i donosi odluke o upotrebi sredstava;
- održava stalne kontakte sa javnošću i promoviranje ciljeva Udruženja;
- vrši i druge poslove koje mu odredi Skupština Udruženja.

Predsjednik Udruženja može biti opozvan i prije isteka vremena na koji je izabran i to:

- na sopstveni zahtjev;
- ako ne obavlja pravilno poslove predsjednika Udruženja,
- ako svojim radnjama nanosi i ruši ugled Udruženja, i
- drugim slučajevima predviđenim Zakonom, ovim Statutom i aktima Udruženja.

IX PRAVILA ZA OSTVARIVANJE, UPOTREBU I RASPOLAGANJE SREDSTVIMA UDRUŽENJA, KAO I TIJELO KOJE JE OVLAŠTENO ZA NADZOR NAD UPOTREBOM TIH SREDSTAVA

Član 26.

Prihodi Udruženja su:

- članarina;
- dobrovoljni priloz i pokloni fizičkih i pravnih lica, kako inostranih tako i domaćih, u gotovini, uslugama ili imovini bilo koje vrste;
- državne subvencije i ugovori sa fizičkim i pravnim licima, kako domaćim tako i inostranim;
- prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
- prihodi stečeni kroz ostvarivanje ciljeva i aktivnosti Udruženja u skladu sa Zakonom i ovim Statutom;
- sredstva dobivena iz opštinskih, kantonalnih, entitetskih i državnih izvora;
- drugi izvori u skladu sa Zakonom.

Član 27.

Udruženje je dužno voditi evidenciju o imovini u skladu sa važećim propisima.

Udruženje je dužno da propisno vodi poslovne knjige u skladu sa opšteprihvaćenim računovodstvenim principima i da sastavlja finansijske izvještaje u skladu sa Zakonom.

Član 28.

Sredstva Udruženja mogu se koristiti isključivo za ostvarivanje ciljeva i djelatnosti Udruženja predviđenih Statutom.

Član 29.

Ostvarivanje, korištenje i raspolaganje sredstvima Udruženja utvrđuje se finansijskim planom, kojeg donosi Skupština, na prijedlog predsjednika Udruženja.

O upotrebi (korištenju) sredstava, u skladu sa finansijskim planom, odlučuje predsjednik Udruženja.

Član 30.

Nadzor nad upotrebom imovine i sredstava Udruženja vrši Skupština Udruženja.

Član 31.

Predsjednik udruženja je dužan, najmanje jednom godišnje, podnijeti Skupštini izvještaj sa podacima o imovini Udruženja, prihodima, rashodima i drugim pitanjima od značaja za raspolaganje imovinom i za finansijsko poslovanje Udruženja.

Član 32.

Imovinu Udruženja čine novčana sredstva, stvari i prava koje Udruženje stiče, u skladu sa Zakonom i ovim Statutom.

Za obaveze prema trećim licima, Udruženje odgovara cjelokupnom svojom imovinom.

Član 33.

Za obavljanje stručnih, administrativnih, knjigovodstvenih i drugih poslova, Udruženje može imati generalnog sekretara, blagajnika i angažovati stručnjake za određene poslove, u skladu sa Zakonom i principima racionalnog poslovanja. Radi izvršavanja određenih poslova predsjednik udruženja može angažovati odgovarajuća stručna lica, uz naknadu, a u skladu sa zakonom i mogućnostima Udruženja.

X PRIZNANJA I NAGRADE

Član 34.

Udruženje može donositi odluke o dodjeli priznanja i nagrada Udruženja. Priznanja i nagrade može dodjeljivati Skupština, na prijedlog predsjednika Udruženja.

XI POSTUPAK ZA IZMJENU I DOPUNU STATUTA I OPŠTI AKTI UDRUŽENJA

Član 35.

Inicijativu za izmjene i dopune Statuta može podnijeti najmanje 1/3 osnivača Udruženja.

Inicijativa se podnosi Skupštini pismenim putem i sa odgovarajućim obrazloženjem.

O izmjenama i dopunama Statuta odlučuje Skupština 2/3 većinom glasova prisutnih članova Skupštine.

Predsjedavajući Skupštine potpisuje odluku o izmjenama i dopunama Statuta.

Član 36.

Pored Statuta, organi Udruženja mogu donositi i druge akte i to:

- odluke, rješenja;
- pravilnike;
- poslovnike.

Akti Udruženja moraju biti u skladu sa Zakonom i Statutom Udruženja.

Član 37.

Odluke i rješenja se donose u slučajevima kada je to izričito utvrđeno Zakonom i ovim Statutom, kao i u drugim slučajevima kada se na opšti način uređuje pitanje od značaja za ostvarivanje ciljeva i djelatnosti Udruženja.

Član 38.

Pravilnikom se uređuju odnosi između članova Udruženja, kao i međusobni odnosi organa Udruženja u ostvarivanju njihovih nadležnosti.

Član 39.

Poslovníkom se bliže uređuje način rada organa Udruženja.

Član 40.

Originalni primjerci akata Udruženja čuvaju se u arhivi Udruženja.

XII ZASTUPANJE UDRUŽENJA

Član 41.

Udruženje u pravnom prometu zastupaju predsjednik Udruženja i predsjednik Skupštine Udruženja, u skladu sa Statutom Udruženja.

Član 42.

U postupcima u kojima Udruženje učestvuje kao stranka radi ostvarivanja svojih prava, dužnosti i odgovornosti pred nadležnim organima, sudovima i sl. zastupnik Udruženja može dati pismenu punomoć za zastupanje advokatu ili drugom stručnom licu.

XIII STATUSNE PROMJENE I PRESTANAK RADA UDRUŽENJA, POSTUPAK ZA RASPOLAGANJE PREOSTALOM IMOVINOM ILI DRUGIM SREDSTVIMA UDRUŽENJA U SLUČAJU RASPUŠTANJA ILI PRESTANKA RADA UDRUŽENJA

Član 43.

Udruženje se može spojiti i podijeliti u drugo Udruženje u skladu sa Zakonom i ovim Statutom.

Odluku o statusnim promjenama iz prethodnog stava donosi Skupština Udruženja 2/3 većinom članova Skupštine.

Član 44.

Udruženje prestaje sa radom dobrovoljno ili po sili Zakona.

Inscijativu za prestanak rada Udruženja može pokrenuti najmanje 1/3 članova Skupštine:

- ako je proteklo dvostruko više vremena od vremena utvrđenog statutom Udruženja za održavanje Skupštine, a Skupština Udruženja nije održana;
- ako se broj osnivača, usljed smrti osnivača ili spriječenosti obavljanja dužnosti Udruženja smanji ispod broja tri;
- u drugim slučajevima utvrđenim Zakonom i ovim statutom.

Odluku o dobrovoljnom prestanku rada Udruženja donosi Skupština Udruženja 2/3 većinom članova Skupštine Udruženja.

Udruženje prestaje sa radom po sili Zakona, u skladu sa odredbama članova 51. i 52. Zakona o udruženjima i fondacijama Bosne i Hercegovine.

Član 45.

Udruženje je dužno prijaviti svaku promjenu upisa nadležnom Ministarstvu, u roku od 30 dana od nastale promjene, u skladu sa Zakonom.

XIV RASPOLAGANJE PREOSTALOM IMOVINOM

Član 46.

U slučaju donošenja odluke o prestanku rada Udruženja, Skupština donosi plan likvidacije, kojim se utvrđuje raspored imovine, prava i obaveza Udruženja. Skupština imenuje likvidatora imovine Udruženja, čija je dužnost da se stara o izvršavanju plana likvidacije i koji može da zastupa Udruženje u postupku likvidacije i u postupku podnošenja zahtjeva za prestanka rada Udruženja nadležnim organima.

Imovina kod raspuštanja i prestanka rada Udruženja, nakon izmirenja zakonskih obaveza, dodijelit će se drugom udruženju koje obavlja iste ili slične statutarne djelatnosti, na osnovu odluke Skupštine.

XV UREDI I DRUGI ORGANIZACIONI OBLICI

Član 47.

Radi realizacije programskih ciljeva i djelatnosti Udruženja, izvan sjedišta Udruženja mogu se formirati uredi i drugi organizacioni oblici na cijelom području Bosne i Hercegovine.

Odluku o otvaranju ureda i drugih organizacionih oblika donosi Skupština Udruženja. Organizacioni oblici iz stava 1. ovog člana nemaju svojstvo pravnog lica.

XVI JAVNOST RADA

Član 48.

Rad Udruženja je javan. Javnost rada ostvaruje se neposrednim informisanjem i putem sredstava javnog informisanja za značajnije aktivnosti.

Svim članovima omogućit će se neometan uvid u obavljanje aktivnosti na svim područjima na kojima djeluje ovo Udruženje, kao i planiranje daljnjih aktivnosti.

Član 49.

Članovi Udruženja moraju biti redovno informisani o radu Udruženja. Za javnost rada odgovoran je predsjednik Udruženja.

XVII PRELAZNE I ZAVRŠNE ODREDBE

Član 50.

Autentično tumačenje ovog Statuta vrši Skupština.

Član 51.

Ovaj Statut stupa na snagu danom donošenja, a primjenjivat će se od dana upisa u registar Udruženja kod Ministarstva pravde Bosne i Hercegovine.

Broj protokola: 01/14

Zavidovići, 19.07.2014. godine

predsjednik osnivačke Skupštine Udruženja

Vera Hodžić